



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1859

25. Markgraf Ludwig weist die Stadt Lübeck an, die ihm schuldige
Reichsteuer dem Ritter Friedrich von Lochen auszuzahlen, am 29. August
1346.

Nutzungsbedingungen

[urn:nbn:de:hbz:466:1-56597](https://nbn-resolving.org/urn:nbn:de:hbz:466:1-56597)

25. Markgraf Ludwig weist die Stadt Lübeck an, die ihm schuldige Reichsteuer dem Ritter Friedrich von Lochen auszuführen, am 29. August 1346.

Ludwicus, Dei gracia Brandenburgensis et Lusacie marchio, comes Palatinus Rheni, Bavarie ac Karinthie dux, sacrique Romani imperii archicamerarius, Prudentibus viris, consulibus et iuratis ciuitatis Lubek, amicis et fautoribus suis singulariter sibi dilectis, salutem et promotiuam ad queuis beneplacita voluntatem. Vt pensionem vestram, occasione deputacionis facte per inuictissimum dominum nostrum Romanorum imperatorem pronunc nobis dandam et debendam, strenuo et famoso militi Fridrico de Lochen, fideli nostro dilecto, nostri nomine detis et sine contradictione qualibet presentetis, dilectionem vestram seriose requirimus et hortamur. Dicimus enim vos, dumprimum sibi de eadem pensione satisfeceritis, quitos presentibus et solutos. In cuius testimonium presentes dari fecimus nostri sigilli appensi robore firmiter communitas. Datum Spandow, anno Domini M^o. CCC^o. XL^o. sexto, in die Decollationis sancti Johannis baptiste.

Lübecker Urf.-Samml. II, 795.

26. Ritter Friedrich von Lochen quittirt die Stadt Lübeck wegen der Reichsteuer, am 3. September 1346.

Ego Fredericus de Lochen, miles, Recognosco testimonio presencium, constare cupiens vniuersis, quod honorabiles viri, domini consules ciuitatis Lubicensis, pensionem debitam, scilicet sexcenta talenta denariorum lubicensium, quam pensionem nunc super festum Natiuitatis Marie dilecto meo domino, domino Ludovico, Brandenburgensi ac Lusacie marchioni, ex deputacione per inuictissimum principem Romanorum imperatorum suum patrem, sibi facta, exsoluere tenebantur, et quam idem dominus meus marchio michi deputauit et assignauit in suis patentibus litteris subleuandam, expedite presentauerunt meo famulo Mathie mei nomine integraliter et persoluerunt, sic quod me contentum teneo, et ipsos dominos consules ac eorum ciues et ciuitatem nomine predicte deputacionis michi facte de eadem pensione, scilicet sexcentis talentis denariorum predictorum, quitos presentibus dimitto penitus et solutos. In cuius rei testimonium sigillum meum presentibus duxi appendendum. Datum anno Domini millesimo tricentesimo quadragesimo sexto, in festo Natiuitatis beate Marie supradicto.

Lübecker Urf.-Samml. II, 796.